

www.BibleForChildren.org

Mateo 26



Seis
pajāravua Pascua
āmicurijāravu
jipocai, Betania
āmicurīmajinoi nurejacarā
ñuja Jesúque cojedeca.
Lázaro, yaiyú bácre
Jesúi nacovaimu mácu
curīmaroi nurejacarā.
Ãñure, María davarejaco
trescientos paigramos baju
mumijūricorore Jesús yebai.



Iye mumijue
nardo āmicue
pare mearo corajue
barejávū. Aru pare bojecue
barejávūya máre.
Die mumijuricorore
yuarejaco Jesúi
cubobarā. Yuado báco,
õi podaque tūrenejaco
Jesúi cubobare. Aru caiñami
cūramine mumijurejavū die.



No yóboi Judas Iscariote, cūinácu
doce paivu Jesúi bueimaracacu,
nurejamedá ina sacerdotevare
jaboteipõeva yebai, náre jení
jíyurejamedá Jesúre. Ùi
daiyude jápiarí,
torojurejaimeda na.



Que baru arejaimada ūre:


—Ñuja jínajivubu mure tāuturare,
mi yavenina jēni jíye boje ūre,
arejaimada na Judare. Que
baru Judas jāri coreni
búrejameda yavenina,
jēni jícuyu Jesúre.




Urre ju arī, īmaroi nūri,
darejacarā ñuja yópe Jesús ūi
aiye báquepedeca. Noi Pascua
jāravuque āiyede meadarejacarā
ñuja. Ñuje āiyedeca, pāure īni,
Jūmenijicure torojuede jídejame
Jesús. No yóboi, pāure cotuvarejame.
Aru ñujare coapa jídejame. —Pāure
ājara mūja. Diedecabu ji
bajupe, jādovaiye
ji yaiquínore
mūjare boje,
arejame ñujare
Jesús.



Aru ãrejacarã ñuja. Úcuidore máre
íni, torojuede jíni Júmenijicure,
ñujare jídejame Jesús, yópe arí:
—Jéni, úcuri, veorí, úcujara caivu
muja coapa. Diedecabu ji jivepe,
jádovaiye ji yaiquínore mujare boje,
Júmenijicui árume tequiyepo ayu
muje ámeina teiyede. Júmenijicu
“Yópe dajarã muja,
boropatebenajivu
ji jainoi”, ūi
yóbocarõ coyuino
mácarõre põevare
árrurajaramu muja,
muje úcuiyede diede.




Jesús arejamedə Simón Pedrore: —Mu, Simón, ñai abujuvai jabocu Satanáre Jūmenijicu jujovaicōjeimi mūjare, yópe pōeva ne jajúóiyepo matore. Ubenita yu jēniaivu Jūmenijicuque, mi dajocabequiyepo ayu mi ju aiyede ūre. Ñai abujuvai jabocu mure jujovariburu yóboi, mi me cūquiyede Jūmenijicuque cojedeca, cadatejacu apevu ūre ju aivure, mi yóvaimarare, arejamedə Jesús.



Aru Simón Pedro arīdurejamedá Jesúre: —Mu, ji
jabocʉ, āmeina teivʉre jēni jacoñami múde que nʉñʉ
bʉojaivʉ yʉ. Aru múde que yaiyú máre bʉojaivʉ yʉ,
arīdurejamedá Jesúre. ɬbenita Jesús arejamedá
ʉre: —Mu, Pedro, coyʉyʉbu mʉre: “Jesúre yʉ
coreóvabevʉ”, acuyʉmu mʉ cari ñami, cáyu ʉi
órejaquiye jipocai.

Aru yóbecʉe nópe
acuyʉmu mʉ,
arejamedá
Pedrore Jesús.



No yóboi Jesús nurejame
ñuja ūi bueimaraque
Getsemaní āmicurōi.
Nore earī, arejame
ñujare: —Yui dobarī
corejarā muja ji
Jūmenijicuque
boroteiyede ãnoi,
arejame Jesús.
Ubenita ji urōpe dabejacu.
Quénora mi urōpe dajacu
mu, arejamedá jípacure
Jesús.



Majicʉ, no oteiye cūrōre darejame Judas.
Jipocateyʉ barejáme Jūmenijicʉi cūramine
coreipõevacavʉre, sacerdotevare
jaboteipõeva aru fariseova
ne jaroimarare ūque,
aru churaravare máre.

Ina ūi jipocateimara
ne boarājiyede dʉruivʉ
barejáima. Pēoibʉaque
aru cāmaveaque máre
darejaima na.



Dinʉmʉma cūinácu Jesúi yóvaimaracacʉ
ũi boaicarovede tatorĩ, duarĩ,
ĩni, sacerdotevare jaboteipõecʉi
yebacacʉre juijórĩ najuárejamedá
ũ, ũi meapũravʉcacamucare.
Ubēnita Jesús arejamedá:

—Dajocajarã diede
quénora, arejamedá.
Que ayʉva, ũi
cámucare tʉorĩ, ũre
meadarejamedá Jesús.



Que arurata Jesúre jēni, sacerdotevare jaboteipōecui
cūrami nūvarejaimeda ūre. Aru Pedro joajīenata
ūi yóboi nure nūñu mácu, sacerdotevare
jaboteipōecui tāibui
ecorejamedā ū. Apevu
Jesúre nūvaivu
bácauucavu toabore
dacuvariburu yóboi,
dobarejaimeda
toabo ēcarui nore
tāibu coricai. Aru
Pedro máre
dobarejameeda
ne jēneboi.



Dinumure sacerdotevare
jaboteipōecui
yebacavucacu, Pedro
ui boaicaroveque ui
buraimu mácu jicu,
Pedrore arejame: —Cari
ñami maredede oteiye curoi
Jesúque mure jānu yu,
arejame. —¡Nácacu ámenvu yu!
Jesúre yu coreóvabevu, arejame
Pedro cojedeca. Ui que aiye bajure,
cáyu órejarejame. Aru áruchu, cūiná
etarí, pare chiori orejamedá ui.




No yóboi caivu ina judíovai cójijinocavu nacajari, Jesúre nüvari, jabocu ūi āmiá Pilato yebai jacobrānurejamedana. Ne que aiyede, Pilato jēniari jārejamedá Jesúre:

—¿Múru judíovai jabocu? arejamedá.

Jesús ju arejamedá:

—Quédeca, mi aimurecabu yu, arejamedá.



Ubénita Pilatocapūravu jaetovaiyurejamedá Jesúre.




Que baru bedióva cojedeca
coyʉrĩdurejamedá ina
põevare. ɻbenita cojedeca
coðoboborejaimada ina
põevacapũravʉ, boarĩ
jarʉvaicõjeivʉ
Jesúre.—¡ɻre
jocucujaravena pẽvari
boarĩ jarʉvaicõjejacʉ mu!
arĩ coðoboborejaimada

Pilatore.



Que baru ne ʉrōpe ðarī, jocʉcʉjaravena
Jesúre pēvari, boarī jarʉvaicōjenejame
Pilato. Que baru Jesúre īni,
ne pēvarajinoi nʉvarejaima
churarava. Jesúvacari turī
nʉrejame dijaravede Põe jipobucū
ñʉje aicū cūracūita, Gólgota
āmicʉricū ñʉje yávaicamuaque.



Dicūre eaivu, jocucujaravena pēvari
jēorejaima na. Úque apejaravearā
apevut pucarāre máre pēvari
jēorejaima, cūinácre Jesúi
meapūravui, aru
apecure Jesúi
cācopūravui,
aru Jesúre
ne coricai.



Que baru yóbecüriora baju ye aviá pẽomenejamedá.
Aru Jñmenijicui cûramicacaje ʉracaje coricõpavaicaje
bácarõ quéda corica baji jaðeni nurejavÿya. Dinumure
pare bujié codoboborî, yávarî
darorejamedá Jesús: —Mu,
jipacu, ji ūmene mure
jíyubu yu, arejamedá
Jñmenijicure. Que ayuva,
yaidéjamedá û.



Pilato yebai nurejamedá José, Arimatea
amicuriūmarocacu. Sacerdotevai
cójijinore coyupōevacacu
barejámedá ū. Ne
puedaimu marejámedá
José. Ū máre
Jūmenijicui
jabotequinumu
maquinóre napini



coreyu
barejámedá.
Jidurō cubeno,
paruriūme curī, Pilato
yebai nuri, Jesús
bácui baju bácarōre
jēniacunurejamedá ū.
José ūi jēniaiyede,
Pilato cuturejamedá
churaravai jabocure.



Aru jēniari jārejameða ūre: Meacaje
boricaje, lino āmicūricajede
bojedarī, Jesús bácre
jocūcūjaravede jōðavari,
īni, dicajeque, ū mācre
cūmari buorejaimada
Joséjā. Ū mācre
nūvari cūracobei,
Jesús bácre



jarūvarejaimada
na. Nore ne
jarūvarīburu yóboi,
apeturava
cūraturavare īni,
jāturuvari, dicobede
biedejaimada.



Dijāravu yóbocajāravu, maya judíova
maje jabuóvaijāravu
sábadoi, ina
sacerdotevare
jaboteipõeva aru
fariseovacavu
cójijidejaimaða
Pilato yebai.



Aru ūre arejaimada: —Mu, ñuje
jabocu, ãrurivubu ñuja
ñai jujovayu bácu
úi aiyede apucu
căreja, yópe arí:
“Yóbecurijāravua ji
yainíburu yóboi
nacajacuyumu yu
yainore jaruvari”,




Que baru churaravare
jarorī, cūratūrava
ūratūrava Jesús
bácure jarūvaicobede
bieitūravare me jājare
daicōjenejaimada na.



Aru dituravare jājare
darīburu yóboi, no ne
jarūvainore me jāri
coreicōjenidurejaimaēa
churaravare.




No judíovai jabuóvaijāravu sábado
yóbocajāravu, sumana bujāravu,
domingo, miadáe tūquiye
jipocai, María Magdalacaco
apeco Maríamaque
jāranurejaimada
Jesús báci baju
bácarōre ne
jaruvainore.



Aru ʉrarō
baju joborō
cújidejavũya, ángele
ũi ēmeni daiye boje
cavarō mearo
Jũmenijicui
cürōre jocarī.



Ñai ángele, Jūmenijicūi daroimū,
ēmeni, darī jāturuvarajamedā
diva cūrava ʉravare, no
cūracobede bieitʉrava
bácarōre. Ditʉravare ūi
jāturuvariburu yóboi,
dobarejamedā
ditʉrava pʉenora.
Urre jāivʉ, ina



churarava
dicobede jāri
coreniduvʉ jidʉrivʉ
bididejaimeda, ne
jidʉé boje. Bidini,
turejaimeda joborōi,
yópe yaivʉ
bácavʉpe.



Aru ñai ángele arejamedá ina
nomivare: —Jidübejarā muja.
Coreóvaivu yu voivure Jesúre,
ne jocucujaravena pēvaimu
mácure. Yore cübebi ū.
Javeta nacajami, yópe
ñi aiye báquepedeca.
Dajarā. Jārijide
apa. Úi baju



bácarõre ne
jaruvaino mácarõre
jājara muja.



Que arīburu yóboi, maumejiena dicobede etarī, nurejaimeda ina nomiva, jidʉrīvʉ ʉbenita pare torojʉrīvʉ. Cúyarī coyʉrānʉrejaimeda iye borore ūi bueimarare. Ne nuiyede, Jesúvacari náre copʉrejamedá.



Aru náre jacoyurejameda. Úi yebai nüri,
mori turejaimeda joborõi úi jipocai.
Aru úi cùbobare jëni, mearore
jídejaimeda úre, yópe judíova
ne ëarí cõmajiyepe.



Yóbo baji Jesús cuetedejameda caivu once paivu ūi
bueimarare ne dobaede tuoiva yebai. Ju abevu
barejáimeda ina jāivu bácvu Jesúre, nacajañu mácure
yainore jaruvare, ne coyuyede ūra. Que baru
jararejameda ne ju abenore aru ne jápiarí coreóvabede
máre. Jesús yávayu bácu náre, muri nurejaquemavu
ijāravure jocarí. Nurejaquemavu cavarō mearo
Jūmenijicui cürōi. Dobarejaquemavu
Jūmenijicui meapūravui.



Coyʉre
nʉrejameða

Jesús: —Quécʉra,
cūinácʉrabu yʉ JŨmenijicʉi mácu. Pare
baju ijāravʉcavʉre ʉcu, yʉre darorejame
JŨmenijicʉ yore. Jaʉrabeda toabo
cūiméboi ne nʉmenajiyepʉ ayʉ, yʉre
jʉ aivʉre jāravʉ cūiméjāravʉ
baquinóre cʉre daibi
JŨmenijicʉ cavarō
mearoi.



Romanos 3:23

Maja caivu põeva ãmene ñaivubu maj. Que baru nópe ñaivure Jõmenijicu “Boropatebevu maja”, abecube majare, maje ñabe boje yópe ûi ñrõpe.

Romanos 6:23

Põeva ne ãmeina ñaiye bojebu ne coateino Jõmenijicure jaruvarí. Ñbenita ina cùrivu Jesucristo que cûinávüpe, cùvama ne bojeva, Jõmenijicui mearo ñacaiye boje bojecubeda, ne cùede ûque caride aru cainumua.

Hebreos 9:27

Jäve caivu põeva yainájaramu cûinára. Aru jäve maje yainíburu yóboi, Jõmenijicu coyucuyume ãrore maje cûrâjinore järavu cûiméjäravu baquinóre majare coapa, maje ñaiye boje maje cùede ijäravui. Apevu cûrâjaramu cavarõ mearo Jõmenijicui cûrõi aru apevu cûrâjarama toabo cûiméboi.



Efesios 2:8,9

Jūmenijicui mearo dacaiye bojecubedecabu ūi meadaiye majare maje āmeina teiyede jaruvarī, maje jū aiye boje ūre.

Maja meadarī oabevu maje bajumia. Jūmenijicurecabe meadayu majare. Ubenita meadabebi majare maje mearo daiye boje. Maje mearo dariduiye quījie bajutamu. Que

baru utharō jaurōtamu. Ye meadaiye majibevu maje bajumia. Quénora Jūmenijicu meadaibi majare ūi mearo dacaiye bojecubeque. Que baru pōecu cübebi “¿Meacu bárica yu?” arī btojayu.

Romanos 10:9,10

Mi jū aru Jūmenijicu nacovaiye báquede Jesucristore yainore jaruvarī, aru mi jū arī coyuru mi jijecamuque, “Jesucristo ji jabocube”, Jūmenijicu meadacuyume mure, mi coatebequiyepe ayu ūre jaruvarī.



Que teni ūmequedeca pōeva jʉ aivʉbu Jesucristore,
Jūmenijicʉ “Boropatebevʉ mʉja jī jāinore”, ʉi arī
coyʉquiyepo aivʉ náre. Aru jijecamuquedeca pōeva
coyʉivʉbu jāvene Jesúrā, ʉi meadaquiyepo aivʉ náre, ne
coatebenajiyepo aivʉ ʉre jarʉvari.

Juan 3:16,17

Coyʉre nʉrejamedá Jesús: —Quécʉra, cūinácʉrabu yʉ¹
Jūmenijicʉi mácu. Pare baju ijāravʉcavʉre ʉcu, yʉre
darorejame Jūmenijicʉ yore. Jaʉrabeda toabo cūiméboi ne
nʉmenajiyepo ayʉ, yʉre jʉ aivʉre jāravʉ cūiméjāravʉ
baquinóre cure daibi Jūmenijicʉ cavarõ mearoi.
Jūmenijicʉ darobedejame yʉre, ji ñájine ɬaquiyepo ayʉ
ijāravʉcavʉre ne ãmeina teiye boje. Quénora darorejame
yʉre, ji meadaquiyepo ayʉ náre.



Mateo 26-28; Lucas 22-24; Juan 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Cubeo Bible (cub) © 2009, Wycliffe Bible Translators, Inc.
All rights reserved.

<https://live.bible.is/bible/CUBWBT/MAT/1>

©2024 Bible for Children, Inc.

www.M1914.org

www.bibleforchildren.org

